

тауарларды (жұмыстарды, қызметтерді) әкелу мен әкетуді, Еуразия экономикалық қоғамдастығына (ЕурАзЭҚ) мүше мемлекеттердің мемлекеттік бюджеттеріне салықтардың, баждардың және өзге де төлемдердің уақтылы және толық түсуін

бақылауды күшейтудегі өзара мүдделілікті негізге ала отырып,
ЕурАзЭҚ-қа мүше мемлекеттердің аумағында трансферттік бағаларды қолдану кезінде мемлекеттік бақылауды жүзеге асыру қажеттілігін мойындай отырып,
ЕурАзЭҚ-қа мүше мемлекеттердің шаруашылық жүргізуші субъектілерімен жасалатын халықаралық мәмілелерге, сондай-ақ жасалуы кезінде ЕурАзЭҚ-қа мүше мемлекеттердің аумақтары ЕурАзЭҚ-қа мүше мемлекеттердің салық және кеден органдары арасында ақпарат алмасудың транзиттік дәлізі ретінде пайдаланылатын мәмілелерге салықтық және кедендік бақылауды жетілдіру қажеттілігін ұғына отырып,
осы мақсатпен бір-біріне жәрдем етуді қалай отырып,
төмендегілер туралы келісті:

1-бап

Осы Хаттамада пайдаланылатын ұғымдар мыналарды білдіреді:

"нарықтық (еркін) баға" - тауардың (жұмыстардың, қызметтердің) нарықтық (еркін) бағасы деп салыстырмалы экономикалық (коммерциялық) жағдайларда ұлттық нарықтағы бірдей тауарлардың (жұмыстардың, қызметтердің), ал олар болмаған кезде - біртекті тауарлардың (жұмыстардың, қызметтердің) сұраныс пен ұсыныстың өзара іс-қимылы кезінде қалыптасқан бағасы танылады;

"бірдей тауарлар (жұмыстар, қызметтер)" - бірдей негізгі белгілері бар тауарлар (жұмыстар, қызметтер). Тауарлардың бірдейлігін анықтау кезінде, атап айтқанда, олардың физикалық сипаттамалары, сапасы, нарықтағы беделі, шығарылған елі, өндірушісі ескеріледі. Бұл ретте тауарлардың сыртқы түріндегі елеусіз айырмашылықтарды ескермеуге болады;

"біртекті тауарлар (жұмыстар, қызметтер)" - бірдей болмаса да, ұқсас сипаттамалары бар және (немесе) оларға дәл сондай функцияларды атқаруға және бірін-бірі коммерциялық алмастыруға мүмкіндік беретін ұқсас компоненттерден тұратын тауарлар (жұмыстар, қызметтер). Тауарлардың біртектігін анықтау кезінде, атап айтқанда, олардың сапасы, тауар белгісінің болуы, нарықтағы беделі, шығарылған елі ескеріледі;

"трансферттік баға" - тауарларға (жұмыстарға, қызметтерге) халықаралық мәмілелер жасасу кезінде объективті түрде қалыптасқан нарықтық (еркін) бағасынан өзгеше баға;

"құзыретті органдар" - ЕурАзЭҚ-қа мүше мемлекеттердің салық және кеден органдары;

"трансферттік баға белгілеуді бақылау" - ұлттық заңнамаға сәйкес салық базасын одан әрі түзету мақсатында халықаралық мәмілелер жасасу кезінде тауарларға (жұмыстарға, қызметтерге) трансферттік бағаларды қолдану фактісін белгілеу үшін құзыретті органдар жүзеге асыратын мемлекеттік бақылау.

2-бап

1. ЕурАзЭҚ-қа мүше мемлекеттердің кеден органдары өзінің құзыреті шегінде ЕурАзЭҚ-қа мүше мемлекеттердің салық органдарына беру үшін өз мемлекеттерінің салық органдарына:

мемлекеттің аумағына әкелінетін және оларды одан әкетуге қатысты міндеттемелерсіз осы аумақта тұрақты қалатын;

оларды осы аумаққа әкелуге қатысты міндеттемелерсіз мемлекет аумағынан тысқары жерлерге әкетілетін;

ЕурАзЭҚ-қа мүше мемлекеттердің аумағы бойынша транзитпен тасымалданатын; қайта өңдеу үшін мемлекеттің аумағына әкелінетін және осы аумақтан тысқары жерлерге әкетілетін тауарлар туралы қажетті ақпаратты береді.

2. Осы баптың 1-тармағында көрсетілген ақпарат қосымшаға сәйкес нысан бойынша жасалған сұрау салу бойынша беріледі.

3-бап

1. ЕурАзЭҚ-қа мүше мемлекеттердің салық органдары өз құзыретінің шегінде өз мемлекеттерінің заңнамасын сақтаған кезде трансферттік баға белгілеуді бақылау мақсатында:

ЕурАзЭҚ-қа мүше мемлекеттердің аумағындағы тұтынушыларға тауарларды жеткізуге байланысты шығыстарға (көліктік шығыстар, сақтандыру, экспортқа шығарар алдында кредит беру т.с.с.);

тиелген тауарларды жеткізу мерзімі мен шарттарына;

тауарлар (жұмыстар, қызметтер) жеткізуге ақы төлеу мерзімі мен шарттарына;

жеткізілетін тауарлардың (жұмыстардың, қызметтердің) сапасына;

қайта өңдеу өнімдеріне қатысты баға белгілеуге;

ЕурАзЭҚ-қа мүше мемлекеттердің нарықтарында қалыптасқан тауарларға (жұмыстарға, қызметтерге) нарықтық бағаларға;

ЕурАзЭҚ-қа мүше мемлекеттердің аумағында тауарларды тасымалдауға, сақтауға және қайта өңдеуге арналған тарифтерге;

трансферттік баға белгілеуді бақылауды жүзеге асыру үшін қажетті басқа да мәліметтерге қатысты ақпарат алмасады.

2. Тауарларға (жұмыстарға, қызметтерге) қатысты ақпараттың құрамын ЕурАзЭҚ-қа мүше мемлекеттің сұрау салушы салық органы айқындайды.

3. ЕурАзЭҚ-қа мүше мемлекеттердің салық органдары арасында тиісті салық органының басшысы белгіленген тәртіппен куәландырған ақпарат алмасу жазбаша (қағаз тасығышта) немесе электронды түрде жүзеге асырылады.

4. ЕурАзЭҚ-қа мүше мемлекеттердің салық органдары осы баптың 1-тармағында көрсетілген ақпаратты өз мемлекеттерінің кеден органдарына олардың сұрау салуларына сәйкес береді.

4-бап

Осы Хаттаманың 2 және 3-баптарында көрсетілген ақпаратты ЕурАзЭҚ-қа мүше мемлекеттің салық органы сұрау салуды алған күнінен бастап 30 күнтізбелік күннен кешіктірмей береді.

5-бап

ЕурАзЭҚ-қа мүше мемлекеттердің құзыретті органдары алынған ақпараттың құпиялылығын сақтайды және ЕурАзЭҚ-қа мүше мемлекеттердің ұлттық заңнамасына сәйкес оны қорғау режимін қамтамасыз етеді.

ЕурАзЭҚ-қа мүше мемлекеттердің құзыретті органдары ақпаратты үшінші тұлғаларға беруге жол бермейді.

6-бап

Осы Хаттамаға Тараптардың өзара уағдаластықтары бойынша жеке хаттамалармен ресімделетін өзгерістер енгізілуі мүмкін.

7-бап

Осы Хаттаманың ережелерін түсіндіруге және қолдануға қатысты барлық даулар мен келіспеушіліктер Тараптар арасындағы келіссөздер мен консультациялар жолымен шешіледі. Келісімге қол жеткізілмеген жағдайда дау ЕурАзЭҚ сотының қарауына беріледі.

8-бап

Осы Хаттама оған қол қойған Тараптардың оның күшіне енуі үшін қажетті мемлекетішілік рәсімдерді орындағаны туралы үшінші жазбаша хабарлама депозитарийге сақтауға тапсырылған күнінен бастап күшіне енеді.

Қажетті мемлекетішілік рәсімдерді кешірек орындаған Тараптар үшін осы Хаттама тиісті жазбаша хабарлама депозитарийге тапсырылған күнінен бастап күшіне енеді.

2006 жылғы "___" _____ қаласында орыс тілінде бір данада жасалды.

Түпнұсқа данасы осы Хаттамаға қол қойған әрбір Тарапқа оның куәландырылған көшірмесін жіберетін Еуразия экономикалық қоғамдастығының Интеграциялық комитетінде сақталады.

Беларусь Республикасының
Үкіметі үшін

Үкіметі үшін

Қырғыз Республикасының
Үкіметі үшін

Үкіметі үшін

Тәжікстан

Үкіметі үшін

Қазақстан Республикасының

Ресей Федерациясының

Республикасының

ЕурАзЭҚ-қа мүше мемлекеттердің
салық және кеден органдары
арасында трансферттік баға
белгілеуді бақылау жөнінде
ақпарат алмасу туралы хаттамаға

Ақпараты берудің үлгі нысаны

Реттік нөмірі	Тауар қозғалысының бағыты	Кеден режимінің коды	Кеден режимінің атауы	Жүк кедендік декларацияның нөмірі (ЖКД)
1	2	3	4	5

Тауардың СЭҚ ТН бойынша коды	ЖКД-да көрсетілген тауардың атауы және сипаттамасы	Келісім-шарт (шарт) нөмірі	Келісім-шарт (шарт) нөмірі	Келісім-шартқа қосымша (толықтыру) нөмірі
6	7	8	9	10

Келісім-шартқа қосымша (толықтыру) күні	Шот- фактураның (проформа-шотының) нөмірі	Шот- фактураның (проформа-шотының) күні	жіберетін елдің коды	жіберетін елдің атауы
11	12	13	14	15

жіберуші салық төлеушінің нөмірі	жіберушінің атауы	жіберушінің мекен-жайы	Қаржылық реттеу үшін жауапты салық төлеуші тұлғаның нөмірі
16	17	18	19

Қаржылық реттеу үшін жауапты тұлға	Қаржылық реттеу үшін жауапты тұлғаның мекен-жайы	Баратын елдің коды	Баратын елі	Алушы салық төлеушінің нөмірі
20	21	22	23	24

Алушының атауы	Алушының мекен-жайы	Жеткізу шарттары	Жіберу кезіндегі көлік түрінің коды	Жіберу кезіндегі көлік түрінің атауы
25	26	27	28	29

Қосымша өлшем бірлігінің коды	Қосымша өлшем бірлігінің атауы	Тауардың қосымша өлшем бірлігіндегі саны	Таза салмағы (кг)	Тауардың фактуралық құны
30	31	32	33	34

Келісім-шарт валютасының атауы	Келісім-шарт валютасының коды	Валюта бағамы	Статистикалық құны (АҚШ долл.)
35	36	37	38

